



UNIVERSITÄTS-
BIBLIOTHEK
PADERBORN

Universitätsbibliothek Paderborn

**F. Cornelii Cvrtili Cæsarei Consiliarij et Historiographi
Ordinis Eremitarum S. Avgvstini S. Nicolavs Tolentinvs
alijque aliquot eiusdem Ordinis Beati**

Curtius, Cornelius

Antuerpiæ

36. Et Arimini Religiosus Frater.

urn:nbn:de:hbz:466:1-37243

suos migrare, quàm à cognito ni-
mium sibi hoste torqueri iterum
atque ustulari.

Illud, quàm mihi scriptum fuit, tam
lectu horrendum aliis fore credo,
quod subjiciam. *Ariminum* in extre-
mâ Flaminiâ nobilis civitas cœno-
bium Augustinianum nō incelebre
habet. In eo, anno M. CD. LXIX. ado-
lescentē religiosum, vocabulo *Ra-
phaëlem*, habitabant dæmones mali
inquilini, in hospitem suum tam
crudeles, ut nemo unus omnium
Fratrum esset, qui non torqueri si-
mul se cum *Raphaële* crederet. So-
lennia Ecclesiæ carmina adhibita,
exorcismi repetiti non tantum non
profuere, ut cum piaculari aquâ lu-
straretur, in cælum quoque os im-
pudens aperire, & blasphemâ lin-
guâ in Deum & Divos horrendas
injurias jactare cogeretur. Hoc pa-
lam & coram multis. At verò cum
solum eum haberent inferni carni-
fices; tunc immaniter eum torque-
re, distrahere, cædere, & pro incu-
de habere. Cœnobii ergo Præfe-
ctus, ut crudeles tortorum manus

D 3 inhi-

36.
Et Arinnio
Religiosus
frater;

inhiberet quadantenus, eum in cubiculum suum recepit. Videres sane rebelles Genios Præsulum oculos vereri & revereri : ita nemo hostis ausus est juvenem propius accedere & laceßere. quare nutu, signis, minis foras elicere, ut liberè solitas in eum insolentias exercitarent. Credi vix potest, quæ stygis infanda ludibria suppliciaq; infelix adolescens passus sit. Furere, bacchari, rabire, in se, in alios sævire, oculis gliscere, prunas ardentis pleno ore evomere, & ipsum inferni rictum representare. Cum ergo petulantia ejus modum omnem excederet vinciri & ferro coërceri debuit. Quid vinciri? quid coërceri? Ex ferro clatri, repagula, & catena omnes vitreae illi erant, quas levigato digito diffringebat. Omnium simul Fratrum validissimæ manus non satis potentes erant, ad hominem continendum. Exploratum porro erat, noctis illâ parte, quæ ante preces Matutinas est, exagitari eum soliro immaniùs : quare miserat adolescentis, infelicitatem religiosam

ad recitandum officium maturare
 statuerunt. Ægrè fecit carnificibus,
 torquendi tempus sibi breviari:
 vindicare ergo se cogitant. *Ra-
 phaëlem* sublimem in aërem ra-
 piunt, & æri campano, quo ad pre-
 ces signum dari solebat, imponunt.
 Æditimus pro munere & more suo
 dum solito temporius ære campano
 ad eadem sacrâ vocare Fratres an-
 nititur, frustrâ est: citius ipsam tur-
 rim, quam campanam movisset.
 Fratres ergo in opem advocare: il-
 li junctis viribus minùs nihilo face-
 re. Mirari omnes, huc illuc discursare
 hic, ille; cum unus oculos le-
 vat, & videt *Raphaëlem* æri campano
 insidere; qui ad templi custodem:
 Bene cavisti huc ascendere,
 certum enim erat tibi hîc Rhodum,
 hîc saltum ostendere, qui horam
 precandi anticipare volueris. Sub-
 inde in turris fastigium evectant
 adolescentem, præcipitem inde
 acturi. Subitò omnium Fratrum, &
 populi qui confluserat, una vox;
 NICOLAVM Tolentinum invocaret.
 Id verò tentat, & vix eluctante

D 4 lin-

linguâ rumpit vocem, & exprimit
nomen NICOLAI. Hoc solo per-
culsi hostes elanguere viribus è ve-
stigio, & hospitem suum hospiti-
umque deserere. At illi visus ob-
longus palus in manum tradi, ope-
que invisâ NICOLAI in tutum de-
poni, deduci que in templum ante
Eucharisticum Sacramentum. Ubi
semianimis. adolescens tenui voce
Te Deum laudamus ordiri; prosequi
Fratres, *Te Deum confitemur*, & hy-
mnum cum plausu absolvere. Ado-
lescens exinde sospes & ab omni
Orci molestiâ liber vixit.

Hæc privata sunt, quæ ex innu-
meris paucula huc adduximus: pu-
blica beneficia quàm multæ civita-
tes tabulis suis æternum commen-
darunt? Cordubam uno anno cen-
tum & quindecim inscripsisse, sub-
scripsisse urbis Antistitem auctores
non obscuri tradiderunt. Audi-
te, si libet, unum Stellartium. An-
no M. DCI. Cordubam pestis in-
vasit immitis adeò & serpens, ut
„ nec Medicorum succi aut her-
„ bæ furentis Furia: impetum fran-
gere

37.
Prosper
Stellar-
tius Au-
gustino-
machia:
Dissert.
XVI.